



МОНГОЛ УЛСЫН ЗАСГИЙН ГАЗРЫН ТОХИРУУЛАГЧ АГЕНТЛАГ

**ОНЦГОЙ БАЙДЛЫН ЕРӨНХИЙ
ГАЗАР**

14250 Улаанбаатар хот, Сүхбаатар дүүрэг
Партизаны гудамж, Утас: 26 35 64, Факс: (976-11) 32 49 77,
И-мэйл: doc@nema.mn, Вэбсайт: www.nema.mn

2019-06-04 № 10/1223
танай _____-ны № _____-т

Удирдамж хүргүүлэх тухай

Сүүлийн жилүүдэд цаг агаарын гамшигт үзэгдлийн давтамж, болзошгүй үерийн аюулт үзэгдэл жилээс жилд нэмэгдэж байгаатай холбогдуулан үер, усны аюулаас урьдчилан сэргийлэх ажлыг эрчимжүүлэх зорилгоор “Болзошгүй үер, усны аюулаас урьдчилан сэргийлэх арга хэмжээг зохион байгуулах ажлын удирдамж”-ийг хүргүүлж байна.

2019 оны 07, 08, 09 дүгээр сард түр зуурын усархаг аадар бороо, мөндөр орох, үер, аянга буух, голын усны түвшин огцом нэмэгдэх, хүчтэй халах зэрэг цаг агаарын аюулт болон гамшигт үзэгдлийн тоо, давтамж нэмэгдэх хандлагатай байна.

Иймд Онцгой байдлын ерөнхий газраас үер, усны ослоос сэрэмжлүүлэх самбарыг батлагдсан стандартад нийцүүлэн аймаг тус бүр 8-10-ыг байршуулан, удирдамжийн дагуу урьдчилан сэргийлэх арга хэмжээг зохион байгуулж, тайланг баталгаажуулан Гамшгаас урьдчилан сэргийлэх газарт, цахимаар agiunaanema@gmail.com хаягаар 2019 оны 9 дүгээр сарын 25-ны өдрийн дотор ирүүл.

Хавсралт 3 хуудастай.

ГАМШГААС УРЬДЧИЛАН СЭРГИЙЛЭХ ГАЗРЫН ДАРГА,
ХУРАНДАА Д.БАТСАЙХАН



00001399

D:\2019\1, 2-r ulira\A-4-2019-1, 2.docx

БАТЛАВ
ОНЦГОЙ БАЙДЛЫН ЕРӨНХИЙ ГАЗРЫН ДАРГА,
ХОШУУЧ ГЕНЕРАЛ Т.БАДРАЛ

2019 оны 06 дугаар сарын 08 ны өдөр

**БОЛЗОШГҮЙ ҮЕР, УСНЫ АЮУЛААС УРЬДЧИЛАН СЭРГИЙЛЭХ
АРГА ХЭМЖЭЭГ ЗОХИОН БАЙГУУЛАХ АЖЛЫН УДИРДАМЖ**

Нэг. Зорилго

Цаг агаарын урьдчилан сэргийлэх мэдээгээр 2019 оны 07, 08, 09 дүгээр сард түр зуурын усархаг аадар бороо, мөндөр орох, үер, аянга буух, голын усны түвшин огцом нэмэгдэх, хүчтэй салхи шуурга болох зэрэг цаг агаарын аюулт болон гамшигт үзэгдлийн тоо, давтамж нэмэгдэх хандлагатай байна.

Сүүлийн жилүүдэд цаг агаарын гамшигт үзэгдлийн давтамж, болзошгүй үерийн аюулт үзэгдэл жилээс жилд нэмэгдэж байгаатай холбогдуулан үер, усны аюулаас урьдчилан сэргийлэх ажлыг эрчимжүүлэх, голомтод үүрэг гүйцэтгэх хүч хэрэгслийн бэлтгэл, бэлэн байдлыг хангуулах, ард иргэдэд сэрэмжлүүлэг, сурталчилгааг шат дараатай зохион байгуулж, бэлэн байдлыг дээшлүүлэхэд чиглэгдэнэ.

Хоёр. Урьдчилан сэргийлэх арга хэмжээг зохион байгуулах хугацаа

Үер, усны аюулаас урьдчилан сэргийлэх нэгдсэн арга хэмжээг 2019 оны 07 дугаар сарын 01-ний өдрөөс 2019 оны 09 дүгээр сарын 30-ны өдрийг хүртэлх хугацаанд зохион байгуулна.

Гурав. Урьдчилан сэргийлэх арга хэмжээг зохион байгуулах бүрэлдэхүүн

- Төв, орон нутгийн Онцгой байдлын газар, хэлтэс, анги байгууллага
- Гамшгаас хамгаалах орон нутгийн алба, мэргэжлийн анги
- Олон Улсын болон төрийн бус байгууллага

Дөрөв. Урьдчилан сэргийлэх арга хэмжээний үндсэн чиглэл

1. Үер, усны аюулын голомтод үүрэг гүйцэтгэх хүч хэрэгслийн бэлтгэл, бэлэн байдлыг хангуулах;
2. Үер, усны аюулаас урьдчилан сэргийлэх чиглэлээр иргэдэд сэрэмжлүүлэг сурталчилгааг зохион байгуулах;

3. Үерийн ус өнгөрүүлэх далан суваг, нүхэн гарцын ус нэвтрүүлэх чадамжийг сайжруулах;

4. Томоохон гол, мөрөн, нуур, цөөрөм дагуу эргүүл ажиллуулж, амарч, зугаалж буй иргэдэд сэрэмжлүүлэг, мэдээлэл өгөх;

Тав. Урьдчилан сэргийлэх чиглэлээр хийгдэх ажил

1. Аймаг, дүүрэг, сум, хорооны гамшгаас хамгаалах төлөвлөгөөнд тодотгол хийх;

2. Онцгой байдлын газар, хэлтэс, анги, байгууллага, Гамшгаас хамгаалах орон нутгийн албадын үер, усны аюулын голомтод үүрэг гүйцэтгэх хүч хэрэгслийн бэлтгэл, бэлэн байдалд үзлэг шалгалт хийж, шаардлагатай завь, аврах хантаазны нөөцийг нэмэгдүүлэх арга хэмжээ авах;

3. Голын ай, сав, гуу жалга, үерийн усны буулт бүхий газраар нутаглаж, суурьшсан айл өрхөд нүүн шилжих тухай шаардах хуудсыг хүргүүлэх, шаардлагатай тохиолдолд нүүлгэн шилжүүлэх ажлыг нутгийн захиргааны болон мэргэжлийн байгууллагуудтай хамтран зохион байгуулах;

4. Орон нутгийн төр захиргааны болон мэргэжлийн байгууллагатай хамтран далан, суваг, ус нэвтрүүлэх нүхэн гарцын хогийг цэвэрлэх, онгойлгох, гэрийг өндөрлөг цэгт бариулах, гэр хашаандаа шуудуу татуулах зэрэг зохион байгуулалтын арга хэмжээг эртнээс авах;

5. Усархаг бороо орох үеэр хот хоорондын болон орон нутгийн зорчигч тээврийн хэрэгслийг үер усны буулт бүхий газраар явуулахгүй байх, шаардлагатай тохиолдолд хөдөлгөөнийг түр хязгаарлах, тээврийн хэрэгслийн бүрэн бүтэн байдал, зорчигчдын аюулгүй байдлыг хангуулах, авто вокзалуудад анхааруулга сэрэмжлүүлэг өгч, хяналт тавьж хамтран ажиллах;

6. Томоохон гол, мөрөн, нуур, цөөрөм дагуу Цагдаагийн байгууллага, Монголын улаан загалмай нийгэмлэгийн дунд шатны хороотой хамтран эргүүл ажиллуулж, амарч, зугаалж буй иргэдэд сэрэмжлүүлэг, мэдээлэл өгөх;

7. Үер, усны аюулаас урьдчилан сэргийлэх чиглэлээр сэрэмжлүүлэг шторк бэлтгэж, орон нутгийн хэвлэл мэдээллийн хэрэгсэл, цахим сайтаар иргэдэд хүргэх;

8. Иргэд олноор цуглардаг амралт, зугаалгын газар, гол, мөрөн, нуур, цөөрөм, усны осол гарч болзошгүй газруудад үер, усны аюулаас урьдчилан сэргийлэх сэрэмжлүүлэг, тэмдэг, тэмдэглэгээ, самбарыг батлагдсан стандартын дагуу аймаг тус бүр 8-10-ийг шинээр байрлуулах, хуучирч муудсан тэмдэг, тэмдэглэгээг сэргээх арга хэмжээг авах;

9. Иргэд олноор цуглардаг амралт, зугаалгын газруудад үер, усны аюулаас урьдчилан сэргийлэх сэрэмжлүүлэг, мэдэгдэл хүргүүлж, хэрэгжилтэд хяналт тавих;

10. Ард иргэд, айл өрхүүдэд болзошгүй үер, усны аюулаас урьдчилан сэргийлэх ухуулга сурталчилгааг шат дараатай зохион байгуулах, хүн ам олноор цуглардаг зах, худалдааны төв, үзвэр үйлчилгээний газруудад сурталчилгааны самбар байршуулах, санамж, сэрэмжлүүлэг тараах;

11. Бага насны хүүхдийг гол, мөрөн, нуур, тогтоол устай газар хараа хяналтгүй орхихгүй, гол усанд тоглуулахгүй байх, иргэд архидан согтуурсан үедээ голын усанд орохгүй байх талаар сэрэмжлүүлэг мэдээллийг тогтмол өгөх.

12. Үер, усны аюулын үед гэр хорооллын айл өрхүүдийн бие засах газар усаар дүүрч халин улмаар орчны бохирдол үүсэж, халдварт өвчин гарах нөхцөл бүрддэг тул ариутгал, халдваргүйжүүлэлт хийх;

**Зургаа. Тайлан мэдээ ирүүлэх,
нэгтгэж тайлагнах хугацаа**

Үер, усны аюулаас урьдчилан сэргийлэх чиглэлээр хийх ажлын төлөвлөгөө гаргаж, биелэлтийг сар тутам тооцож, тайланг баталгаажуулан Гамшгаас урьдчилан сэргийлэх газарт, цахимаар agiunaanema@gmail.com хаягаар 2019 оны 9 дүгээр сарын 25-ны өдрийн дотор ирүүлнэ.

ОНЦГОЙ БАЙДЛЫН ЕРӨНХИЙ ГАЗАР